

Message nine

Thawhkoepna oen Jung Cangtii la aka awm Khrih

Teeham Caciim. Jhn.11:25. 12:23-24. Luk.12:49-50. 2Kor.1:8-9. 4:16. Exo.25:31-40.
Num.17:8

I. Mami lawngah Khrih te thawhkoepna la huhtawngna, awmngaihna oen n'tueng sakthai-Jhn.11:25.

- A. Thawhkoepna dawngah hingna hamla mami lawng Khrih kah thawhkoepna oen tuhkai la phawngna awltak te ng'huh ham awm.
1. Thlanghing coengna dawngah Khrih tah Pathen kah comingla awmham a thawhkoepna dawngah Pathen kah cuunthaila awm-Cel.13:33.Rom.8:29b.
 2. Khrih oengcathli boeih tah amah kah kawngtloepthli la ka awm, a takpum la thlang boel te a thoeng sakna ham a thawhkoepna kalawng patoeng Pa Pathen rangoen cuunthaila awm u poen-1Pit.1:3.Jhn.12:24.1Kor.10:17.
 3. Hukhueng Adam la Khrih he hingpekung Muithla la va coeng-15:45b.
 4. Bawipa thawhkoepna kah he awlpui thaihuthli(Takpum kah Lu la coming, takpum a beekthli la zahawh thlang acathli oen takpum kah a rilh oen a soengna la Muithla la coengna) thuum muehla, meang thlangboel, meang Khrih takpum, meang Pathen kamthlahna khaw awm thai manawh-ref.Kol.1:18.1Kor.12:12.Efe.4:4.
- B. Muithla tah thumkhat Pathen kah a soengna, thawhkoepna kah a soengna oen Khrih takpum kah a soengna la awm.
1. Patoeng toeng aka poeng thumkhat Pathen kah a soengna tah aka soepbir a soengna kah Muithla la awm-Jhn.14:17.15:26.16:13,1JHn.5:6.
 2. Thawhkoepna kah a soengna tah hingpekung Muithlala Khrih la awm-JHn.11:25.20:22.1Kor.15:45b.
 3. A soengna kah Muithla lawng patoeng toeng ka poeng thumkhat Pathen kah soeprep te Khrih kah takpum dawngah a soeng sak-JHn.16:13-15.
 4. Te Muithla thuum muehla, meang Khrih kah takpum, meang thlangboel khaw awmnawh-Efe.4:4
- C. Khrih takpum kah a soengna dawngah awm hamla tah Khrih kah thawhkoep hingna dawngah a pumboeih la awm angoe.
1. Thlangboel tah Khrih kah a coengna pumboeih la awm tih, thawhkoepna dawng a pumboeih oen vaabenthli dawng a pumboeih la awm-1Pit1:3.Efe.2:6.ref.Gen.2:21-24.
 2. Khrih kah takpum thlangboel huhsakna sui haivangtung tah thawhkoep hingna la Khrih he angna la vaang ham a roengna, a beek a thoengna, a paimuemna, a pai paaina te huhsakna la awm-Exo.25:31-40.Num.17:8.Awl.1:11-12.
- D. Aram ka caawn cawngawl tah aka thoukoep Khrih he mami kah hingna oen mami khuikah thawhkoep hingna la awmham awm tih, he hingna tah a paimuemna, a paai paaina oen hamkhuek toela a thaih thaih hamla awm ti huhsakna la awm-Num.17:1-11.
1. Num.16 dawngkah awluup angla Israel thlangthli he a pungnawi u coengah Pathen lawng mawtkung thlangha thlaihih te Israel pilnam thlaihih angla cawngawl thlaihih te avan khuen tih thingkawng haai kah sausi himbaai im dawngah khueh hamla a uuen. Te coengah Bawipa lawng”Kai lawng ka tuek thlaang kah cawngawl tetah a ram caawn ai” tila a thui-17:5
 2. Cawngawl thlaihih boeih tah a ram awmnawh, azung awmnawh, reu tih duek poen. A ram aka caawn ameang khawseh Pathen lawng a tuek thlaangla awm. He huenah thawhkoepna tah Pathen kah tuekna kungsutla awm tih, tuihzoeih bibina

kah kungsutna tah pumsa hingna aka thuum nawh pakhat khatla awm tite ng';huh u. Te dawngah aram ka caawn cawngghawl tah Pathen lawng a peek bibi dawngah saithaina hamla Pathen kah doukoeila a thawhkoepna dawngah Khrih te ng'huhtawngna huhsakna la awm.

3. Tuihzoeih bibina boeih kah a lawng a im tah aram aka caawn cawngghawl sawah ni a awm. Pathen lawng cawngghawl thlaihih te mawtkungthli tengah koep a peek, tede Aaron kah cawngghawl tetah dungzaan mingkhuepna hamla sausi bawm khuiah a kuem. Hetah thawhkoepna tah Pathen tengah mami kah tuihzoeih bibina dawngah dungzaan a lawnga imla awm tina la awm-athan.9-10.
 4. A ram ka caawn cawngghawl he dungvoeng huhtawngna la awm. Cawngghawl tah thlanghing a paihuen huhsakna tih aram caawna tah thawhkoep hingna huhsakna la awm. Te dawngah aka ngauthli buenglawng ni oekthloen u tih, thlangtloethli lak ah ka theen ngaai tila a thui u ai-ref.Mark.11:9.2Kor.3:5.1Pit.5:5.
 5. Thawhkoepna ti hetah soeprep boeih he Pathen kah la awm tih, mami kah nawh ni tina ni. Tetah Pathen khat bueng lawngni a sai thai tih, mami lawng n'sai thainawh tina ni. Thawhkoepna aka mingthli boeih lawngatah amami dawngah ngaiuepna te a hooet u poen ai. Amami lawng tu ka sai thai nawh tite a ming u.
 6. Pumsa ben tha a awm khui roek, thawhkoepna tharaana a tueng thai moenih. Sarah lawng ca a cuun thaikhui roek, Isak he va tueng manawh-Gen.18:10-15.21:1-3,6-7.
 7. Mami lawng n'sai thaithli hetah pumsa ben huenmawl la awm tih, n'sai thainawh tetah thawhkoepna huenmawla awm. Thawhkoepna tah mami kah saithaina aka poengvoelh, mami lawng n'sai thainawhthli te thuingaihna la awm-Matt.19:26.Mark.10:27.Luk.18:27.
 8. Thlaanglawng amah tula thuumna nawh te a ming thlan ah, amah a boetna la a pha ham awm. Asai thaina nawh te mevengah khaw ming nawh mai kawinih, Pathen kah saithaina te vai khaw huhtawng thai manawh. Thawhkoepna tah mami lawng n'sai thai nawh, Pathen bueng lawngni mami dawng, mami kalawng patoeng, mami hamla soeprep boeih asai thai ti ngaihna ni-ref.2Kor.1:8-9.4:7.
 9. Khrihthlaang pakhatla awmna he a rai bueng he moenih- tetah coeng thai manawh. Soeprep boeih aka thuum Muithla la mami dawng aka hing patoeng toeng aka poeng tih aka soepbir thumkhat Pathen buengni Khrihthlaang pakhat la a awm thai ai. Muithla bueng ni Khrih thlaang la coeng thai tih, Muithla buengni taakung la a awm thai.
- E. Mami lawng pumsa oen n'hing muehla, khuiben Pathen hingna oen ng'hing vengah, thawhkoepna dawngah ng'awm u. He kah aka thooeng thaitak tah Khrih kah takpum la awm-Fil.3:10-11.
1. Mami boeih he Bawipa kah hubaangla coeng angoe, tetah Pathen ben oen awlhuep ben thlanghingthli la awm ham, pumsa hingna hoet tih Pathen hingna oen hingna la awm-ref.Jhn.3:8.
 2. Baibul benla awm mai cakhawseh, pumsa hingna dawngahn'khuenthli boeih hetah Khrih takpum kah a soengna moenih-1Kor.3:12.
- F. Thawhkoepna dawngah hingna hamla mami lawng thawhkoepna kah Pathen te mingciimna, huhtawngna oen a mekla n'dang ham awm-2Kor.1:8-9.
1. Pathen laswng thinglam dawng kalawngah mami te boet sak ham a sai, tedeng ahni mah oen mah uepna ouhla thawhkoepna kah Pathen buengte ng'uepna poen ai-athan.9.
 2. Aka hing Pathen lawng thlaang zuengla zahawhthlang a bisai thaide catah, Pathen kah hingna oen a coengna he thlaang khuiah khuen thai nawh. Thawhkoepna kah

Pathen lawng a bisai vengah a hingna oen a cooengna he thlaang khuiah a khuen thai poen.

- a. Pathen amah he dauben bisainathli dawngah mingciimna ouhla, amah oen amah te thlaang khuiah sangpe hamla bia saina la awm. Gal.1:15-16. 2:20. 4:19
 - b. Pathen lawng hingna oen a cooengna te mami khuiah bisaina hamla teng avai te a hawna-2Kor.4:7-12. 1Thes.3:3.
 - c. Thawhkoepna dawngah hing ham oen thawhkoepna kah Pathen la tawmbenna ham soeprep boeih dawng kalawng patoeng Pathen kah coming la aka awm Khrih muisam khuila mui lawh u hamla awm – Rom.8:28-29. Heb.12:10. Eze. 48:11.
 - d. He khawhihui ah awlpui la Pathen kah canauthli oen tuhkaaila patangkhangna kah a kungpui a poekna tah te klawng patoeng Pathen kah cooengna he thlaang kah cooengna khuila a khuen tih, thlaanglawng Pathen te a soepbir toe a mek adangna thai ham teni.
 - e. Mami lawng rainathli m'poeng phai lii vengah mami dawngah athai tlaihpenna lawng boet ouhla hin at coeng hin at huen a lawh angoe, teah ni Pathen lawng mami he Jerusalem khawthaila cooeng sak ham amah thinkaw ngaihna te a soep sak thai poen ai-Eze.36:26. 2Kor.4:16. 5:17. Awl.21:2.
3. Thawhkoepna dawngah hingna hamla mami lawng hin at coeng hin at thawhkoepna kah caihpan bawm cemna oen cuunahna rangoen tlaihpun uhamla awm-2Kor.4:16
 4. Aka soeng Khrih thlaang hingna tah thawhkoepna kah Pathen te mami khuiah mincang oen thlemben, hin at coeng hin at sangthil hamla awm- Kol.2:19. Rom.8:10, 6, 11.
 5. Thawhkoepna dawngah Pathen hingna kah tlaihpun saithaina te douna hamla mami lawng Pathen te thlouthlan ham, mah oen mah Bawipa tengah awngpe uham, hin at coeng hin at athai sangthilna hamla mami khuiah amah te ng'awngpe u ham awm- Fil. 2:12-13. 3:10-11. Saam.18. Awllu. 2Kor.4:10-12, 16. Titu.3:5. Efe.4:23. 5:26.

II. Mami lawng Khrih te Jungcang la huhtawngna, awmngaihna oen n'tueng sak thai-Jhn.12:24.

- A. Khrih kah Pathen bawilenna tah Pathen hingna oen haih Jungcang dawngkah angla amah dawngah thuh la awm-athan.23-24..
- B. Bawipa kah Pathen bawilenna tah thlanghing cooengna a kawc khuiah thuhla a awm vengah hephapna oen theekhana a taawng tih, Pathen hingna kah haai oen Pathen bawilenna a loeihna ham a duekna kah baptisma rangoen baptisma huh ham a lamtoen-Luk.12:49-50.
- C. Khrih kah Pathen bawilen loeih sakna tah a dueknaq rangoen thlanghing a kawc te a rekna rangoen ah ni-Jhn.12:24.
 1. Bawipa tah Pathen bawilenna oen Pathen hingna aka thuum a rawl awmnawh cangtii la awm.
 2. Thlanghing cooengna a kawc he thinglam dawng a duek tih a rek vengah, Pathen cooengna boeih- Pathen hingna oen Pathen bawilenna-tah loeih la awm.
 3. He dawng heah a duekna he vaila pahoei, aka loeih a bawilenna oen hingna te aka loeih sak duekna la poekna la awm.
- D. Khrih kah Pathen bawilen loeihna tah a duekna kalawng patoeng a thawhkoepna dawngah Pathen bawilenna oen haih Pa rangoen bawilen tueng sakna la awm-athan.23-24.Luk.24:26.

- E. Khrih he thlanghing hinngna dawngah Pa lawng bawilen tueng sakna hamla thangthui tih, Pa lawng a thangthuina te a roei pe. Jhn.17:1. Cel.3:13.
- F. Teang bawilen tuengna lawngah Khrih te thlanghing coengna kalawngah soeprep boeih a thuumna khuila a pawng sak tih, te dawng hukhueng Adam la a thawhkoepna dawngah hingpekung Muithla la va coeng.
- G. Amah kah hingna loeih sakna a duekna oen hing rekrana a thawhkoepna kalawng patoeng Jungcangtii la Khrih lawng oengcathli boeih te patoeng toeng aka poeng thumkhat Pathen oen a thooekna khuila a khuen.
1. Amah kah Pathenben thumkhat coengna dawngah Pathen tah aka thooek u pakhat la awm-Jhn.14:10=11.
 2. Aka soepbir thumkhat Pathen oen cuunthaila kaa wm oengcathli tah Khrih kah thawhkoepna dawngah aka thooek u pakhat la va awm-athan.16-20.
- H. Khrih kah thawhkoepna dawngah patoeng toeng aka poeng thumkhat Pathen oen cuunthaila aka awm oengcathli kah a boukauna, Pathen ben thlanghing benla kaa wm, khawhithui ben thooekna tah muime pathum dawngah mui aka thawleng u Jungcangtii la Khrih teng kalawng alawna la awm.
1. Pakhatna tah Pa kah im he Bawipa kah duemna, a ngaikhuekna oen a tuengna hamla awm-athan.2.
 - a. Khrih oengcathli boeih tah Pa kah im dawngah awmna a khaanthli la awm-athan2a
 - b. Pa kah im tah Pa oen Capa lawngah Muithla oen haih atlang tih a tuekthli tengah boet ouhla ava lawna rangoen sakla awm-athan.21,23. Efe.2:19-22.3:16-19.
 2. Pahihna tah Pathen kah bou kauna, pungtaina oen bawilen tuengna hamla aka soeng misurkung la awm-Jhn.15:1-8,16.
 - a. Soeprep boeih aka thuum Khrih kah noekna la a soeng misurkung tah patong toeng aka poeng tih ka soepbir thumkhat Pathen kah aka hing tawmbenna la awm.
 - b. Bekcawngla aka awm a beekthli tah Pathen hingna oen cuunthaila awm tih, thinglam dawng a duek coengah aka thoukoep Khrih rangoen hing thooekna khuila a khuen u tih, patoeng toeng aka poeng tih ka soepbir thumkhat Pathen oen thooekla awm.
 3. Pathumna tah Pathen kah dungzaan kamthlahna khuen ham Muithla kah capa, thangthai la awm-16:13-16,119-22.
 - a. A thai camaw, thlangthai tah aka soepbir Muithla rangoen cuun la awm-Efe.2:15.
 - b. Mingna kah muithla dawngah tlaihpenna rangoen thlangthai buen nakna lawng hukhueng atah Khrih kah takpum te a soepbir sak vetih, telawng Jerusalem khawthai te a soepbir sak poen ai. 4:23-24